

FAMARIPARITANA NY ASA AMAN'ANDRAIKITRY NY MPITANDRINA F.P.M.A BORDEAUX

FAMARITANA

Ny mpitandrina dia hiasa feno ho an'ny tafo izay misy mpiara-miasa laika miasa maimaipoana (Komitin'ny tafo, Tarik'asa katekomena, mpampianatra sekoly alahady, mpiandraikitra sampana, Mpiandraikitra vaomiera tselika,...).

Ny ankamaroan'ny mpiara-mivavaka dia mipetraka ao Bordeaux sy ny tanana manodidina.

NY MOMBAMOMBA AZY

(Miaraka amin'ny fanitsiana nentina tao amin'ny fivoriana ny mpiangona ny 14 martsa 2010) :

Mpitandrina lahy na vavy, mihaotra ny 30 taona, manambady, manana traikefa ka eken'ny FPMA Foibe.

(Fanampiny nentin'ny mpiangona tao amin'ny fivoriana ny 14 martsa 2010) (eo ampikarohana ny dikan-teny tena mety izahay) :

Ny toetra manaraka ireto dia iriana mba hananany : mpanentanentana (dynamique), manana maha izy azy amin'ny maha mpitarika (charisme), mpanofana sy mpitaiza (formateur), entitra (rigoureux), afaka mandray ny fanapahan-kevitra mety arakaraky ny zavamisy sy ny zavamiseo (ayant la capacité d'adaptation), mahay mifandray amin'ny rehetra (ayant un sens relationnel), mpitondra hevitra (ayant l'esprit d'initiative), fahalalana lalina ny baiboly (connaissances bibliques approfondies), afaka ho tena masoivohin'ny FPMA (capacité de représenter la FPMA à l'extérieur), miantra (bienveillant), mora fanahy (quelqu'un d'avenant),...

ASA

Ho an'ny Tafo Bordeaux dia mandray antanana ny **fitandremana** izy, **fitandremana** izay manaraka ny fitsipika sy fepetran'ny FPMA ary koa ny fitsipika anatin'ny Tafo Bordeaux. Izy no mpiandraikitra voalohany ny **asamandraharaha amin'ny lafin'ny finoan'ny fiangonana**.

IRAKA

- Manome sy manazava ny firehan-kevitra ara teolojika ny FPMA, ny asan'ny fiangonana izay dinihina miaraka amin'ny Birao sy ny Komitin'ny Tafo.;
- Manofana ny tompon'andraikitra ny Tafo : birao, diakona, komity, sampana...;
- Mandray anjara amin'ny fanetsiketsehana sy ny fandrarahan'ny Tafo eo anivon'ny Birao sy ny Komity.;
- Manatrika ny fivoriana ny Birao, ny fivoriana ny faritany ary koa nasionaly...;
- Manatrika ny filan-kevitra ny Komitin'ny tafo.;
- Mitory ny Filazantsara amin'ny olona rehetra, ary miandraikitra ny fanompoam-pivavahana isaky ny alahady.;
- Manamasina ny sakramenta ary mitarika ny fandraisana fanasan'ny Tompo, Manomana sy manatanteraka ny batista sy ny fanamasinana mariazy. Manao ny fanompoam-pivavahana raha misy fahoriana;
- Miandraikitra ny fampianarana Soratra Masina sy ny fiaraha-mivavaka;
- Mampianatra Katekomena ;
- Manamafy orina ny fiangonana ary mitondra ho amin'ny fiainam-bavaka amin'ny alalan'ny fihetsika sy ny teny;
- Manampy ireo reraka am-panahy amin'ny alalan'ny fifampidinihana sy ny famangiana.;
- Mampahery sy manatanjaka ireo latsaka an-katerena sy ao anatin'ny fasahiranana.;
- Mandrisika ny mpiara-mivavaka rehetra amin'ny asan'ny fiangonana;
- Manampy ireo tanora teraka teto Frantsa mba ho isan'ny mpikambana velona ao amin'ny Tafo;
- Mitandro ny firaisan'ny fiangonana, ny firaisankinan'ny mpiangona, ny fifanajana eo amin'ny samy mpiangona ary ny fifanajan'ny mpitandrina sy ny mpiangona.;
- Mandrisika sy manetsiketsika ny fiangonana ho amin'ny Iraka napetraky ny Tompo aminy ary dia manitatra ny ambaidain'ny fiangonana (mitsangana ho vavolombelon'ny filazantsara, mampitombo ny fifandraisana, mihezaka mba ho fantatry ny manodidina, mamitra-mpihavanana amin'ny fiangonana rahavavy eto an-toerana, ...).

TOERAM-PIASANA

Ny tena toeram-piasany dia ny faritra misy ny toeram-ponenan'ny mpiangona ao amin'ny FPMA Bordeaux

Ny toeran'ny fotoam-pivavahana andavan'andro dia ao amin'ny Temple du Ha, lalana Commandant Arnoult, 33000 Bordeaux. Azo raisina ho toeram-piasana koa ny toerana rehetra izay natokan'ny FPMA Bordeaux ho azo anaovana fotoam-pivavahana sy azo hivoriana rehetra (Fotoam-dehibe : Krismasy, Paska, Pentekoty, sy ny sisa)

FIVEZIVEZENA

Izy dia hivezivezy eto an-toerana (Bordeaux sy ny manodidina) ho fanantanterahana ny fitsidihana ny mpiangona

Izy dia hivezivezy eto anivon'ny faritany (Faritany Atsimo andrefana) ary koa eran'ny La Frantsa araky izay iraka ofisialy izay hapetraky ny FPMA Bordeaux aminy..

FPMA Bordeaux -V3M - Commission Poste Pastoral, proposition de cahier de charges , 24/02/2010

<http://mizara.fr/fpmabx/V3M/>